

Ca canny.

It's pretty obvious is it not? "Fools rush in" and all that.

I sometimes wish that I wis braver,
And no sae apt tae wait an waver.
I've sometimes fund oot tae ma cost
That he whae hesitates is lost.
But still, if fate a choice should force,
"Ca canny" seems the safest course.

I ken a man should aye walk tall.
A faint hert never won damn-all!
A coward a thousand daiths may dee,
An that makes perfect sense tae me,
But whether aw that's true or no,
"Ca canny" seems the wey tae go.

Be shair when dread an danger lour,
A canny man will think things ower.
Be certain, in his 'oor o need
A canny man will keep the heid.
When ithers crash oot o the game
"Ca canny" will conduct ye hame.

A bold an dashin cavalier
A heaven-sent hero may appear;
An Superman, ye neednae doot,
Wuid suin hae awthin sorted oot.
But when events seem poised tae squash us,
It disnae herm us tae be cautious.